

**Presentaziun dla publicaziun dl Museum Ladin: Le Scioz da San Jênn**, de Angelo Trebo y Jepele Frontull, en sabeda, ai 10.10.2015 dales 17:00 tl salf manifestaziuns da La Plî de Mareo. Tratan la sêra sarâ intervenc de Stefan Planker, André Comploi, Fonso Willeit y Paul Videsott. Al cianta fora dal toch le Cor de Dlijia da La Pli, i jobeleri y i ciantadus dl'ultima rapresentaziun dal '94.

**L'Isitut „Herz Jesu“ da Mühlbach** lascia alsavêi che al mêt man les iscriziuns 2016/17 por súa scola mesana. Ai 07 y ai 09 de otober éle dales 15:30 n domisdé de informaziun. Al é da se prenoté al nr.0472/849727.

**Zënter „Ergobando“:** da otober inant y tratan l'ann de scora deura le Zënter Families Ergobando vigni mercui dales 09:30 ales 11:30 por le grup dl dan – scolina, y vigni vëndres dales 15:00 ales 17:00 por gragn y pici.

Implö invièia l' Zënter Families Ergobando al referat "*Ci é pa la dislessia y co poi pa la recunêsce*" en vëndres ai 09.10.2015 dales 20.00 tla scola mesana da La Ila.


**Le „Grup Sportif dl Cör Val Badia“ (Herzsportgruppe)** mêt indô man súa ativité. La ginastica vëgn tignida vigni lönesc dales 18.00 ales 19.00 tla palestra da San Martin tratan l'ann de scora y é punsada por chi che à problems cun le cör, aritmies, presciun alta, operaziuns, angina pectoris y ater. I interesciá pó gni a odèi y porvé fora. L'kurs costa 150€ al ann. Le curs vëgn tigní da Markus Winkler y al é lapró n dotur. informaziuns ves dá Markus 338 5867867 o Renato Paratscha (cordinadù) 348 7457309.

**Presentaziun dl liber** „La löm y l'anterbanch“ de Christian Ferdigg en vëndres, ai 09.10.2015 dales 20:00 tl Istitut Ladin a S.Martin.

**Curs da balé en grup:** le KVV de Badia mêt a jí n curs da balé por mantigní sagns l'corp y la mënt, cun Giuvana Moling. Al se trata de bai de grup, olache düc pó fá impara. Le curs mêt man en lünesc, ai 12.10.2015 te ciasa dles uniuns a Badia y va inant pur 8 iadi dagnora dales 9 danmisdé. Düc é der bel inviá ! Da se prenoté él pro Veneranda al nr. 0471/839760 o 338 5030618.



En mertesc, ai 06.10.2015 complësc Anna Senoner Rudiferia da Pedraces 84 agn. L'Seniorenclub y düta la Comunité ti aoda dünt l'bun, sanité y benedisciun de Dî.



Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 45

Edema: 04.10.– 11.10.2015

### Vangele dla Domënia che vëgn XXVIII° ann „B“

(Mc 10,17-27)

Te chël tëmp ti n'él salté un adincuntra a Gejù s'à inje-nedlé jö y l'à damané: Bun maester, ci mëssi pa fá por davagné la vita eterna? Gejù ti à respognü: Ciodí me dijeste pa bun? Degügn n'é bugn ater co Dî, èl su. Tö conësces pó i comandamënc: Te ne desses nia copé, te ne desses nia rumpì le matrimone, te ne desses nia arobé, te ne desses nia dé testimonianza falza, te ne desses nia fraudé, onorèia to pere y túa uma! Al ti à respognü: Maester, düc chisc comandamënc ài osservé da jonn insó. Dailò ti à Gejù ciaré ados, y deach'al ti orò bun, ti àl dit: Òna na cossa te mancia ciamò: Va y vënn ci che t'as, dà i scioldi ai püri y t'aras n tesur tl cil; spo vi y vime do! Mo chël à ciaté la ria canch'al â aldi chësc y é jü cun tristëza demez; deach'al â n gran avèi. Dailò ti à Gejù ciaré ia a sü discepei y ti à dit: Tan ri ch'al é por jënt che à tröp, da rové tl règn de Dî! I discepei é restà mal por sües parores. Mo Gejù ti à ciamò dit: Mi mituns, tan ri ch'al é da rové tl règn de Dî! Denant va n camel fora por n büsc de na odla, che n rich röies tl règn de Dî. Mo èi s'à spordü ciamò deplü y dijò un al ater: Che scia-fia pa spo da gni salvé? Gejù ti à ciaré ados y à dit: Por la jënt é chësc imposcibl, mo nia por Idí; Deache por Idí é döt poscibl.

### Segra de Rosare



## FUNZIUNS SACRES

### 04.10. XXVII. DOMÈNIA dl ANN / B - Segra de Rosare

- 10.00 Mëssa por la Comunità  
14.30 **La Crusc:** mëssa y traslaziun de Chëlbeldî da La Crusc  
15.00 Festa da Bato  
18.00 vis y ʒti de Sandro y Emma Canins  
por fam. Raimund y Martina Pitscheider  
por fam. Franz y Anna Rudiferia

### 06.10. Mertesc - *S. Bruno*

- 19.30 ʒto Emilio Clement - aniversar  
ʒti Angelo y Sabina Pitscheider - aniversar  
ʒti Antonia y Hermann Nagler

### 07.10. Mercui – *S. Maria dl Rosare*

- 07.30 *Mëssa cun i scolars dla elementara*  
ʒto Konrad Dapoz – aniversar  
ʒti Vijo, Angela y Paola Pizzinini – aniversar  
ʒto siur H. Videsott en ringraziament

### 08.10. Jöbia – *Mëssa cun i confirmá y studënc*

- 19.30 ʒto Otto Clement  
ʒta Paola Valentin da Pransarores  
por fam. Lois y Annelies Valentin

### 09.10. Vëndres

- 07.30 ʒto Ilario Valentin  
ʒto Lois Irsara de Jan  
ʒta Maria Pitscheider da Ruac

### 10.10. Sabeda

- 14.00 Noza de Lerchegger Philipp y Susan Valentin  
16.00 S.Mëssa a Oies

### 11.10. XXVIII. DOMÈNIA dl ANN / B

- 10.00 Mëssa por la Comunità  
15.00 Funziun y prozesciun cun Chëlbeldî da La Crusc  
18.00 ʒta Rita Rungg Irsara - aniversar  
ʒto Serafino Ploner - aniversar  
ʒti Tone y Rosina Pitscheider

## Dala VITA dla CÛRA


### Edema dla Fede tla Val Badia ( 18 – 25 otober )

“La Fede é la löm söl tru dla vita..” dij Sant Ujöp da Oies.

Porchël é duc inviá a coltivé la fede, propi ince tratan chëst'edema organisada dala **Unité Pastoral Val Badia**. Tla proscima plata de Cûra ciafëise le **program** por vigni de. Naota se inviunse a se reservé chëst'edema, ince **les Uniuns** periunse de tigní cunt, magari ince da lascé fora proes y incuntades.

En domënia, ai 18 de otober metunse man te vigni Cûra a Mëssa.

*Siur Degan*



En sabeda, ai 12.09.2015 é gnü batié l'pice **Armin** de Daniel Clementi y Silvia Andriollo y en chësta domënia, ai 04.10.2015 ciafa l'Sacramënt dl BATO i pici: **Christian** de Dapunt Werner y Jule Frenner, **Josephine** de Lois Craffonara y Veronika Pedevilla, **Daniel** de Mauro Delmonego y Denise Lakomcikova. Ai pici che tolun sö cun ligrëza te nosta comunité cristiana y a sü geniturs tröpes ligrëzes.

**Confirmá 2015:** inviun duc i mituns y les mitans de Badia, La Ila y San Ciascian, che é gnüs/üdes conformá ai 10 de má, ala messa dla jöbia ai 08.10.2015 dales 19:30. Toc/totes, geniturs, familiars y bëgn duc é inviá a tó pert.

**La Uniun dles ëles** inviëia dütes ai 07.10.2015 a gní a S.Martin a fá l'tru dles Staziuns “Vistles” dediché a S.Ujöp. An se abina a Pedraces, dan Comun, dales 13:00 por jì cun auti privac a S.Martin.

**Oraziun dl chît (das Ruhegebet):** d'aisciöda á n grup tut pert a na sëra de informaziun y la medema vëgn tignida ciamó n iade ai 05.10.2015 dales 20:00 tla stüa da Oies. Referant é Gerhard Mahlknecht da Bornech. Por informaziuns pón cherdé sö l' nr. 3381300787.



### Orar dles mësses a Oies:

dal mertesc ala sabeda, vigni de dales 16:00.